



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 43. Regis, ac Guisii Ducis epistolæ ad Provincias.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI. **A.C. 1588.** licis stipatus Trappæ prope Versallias pernoctabat, altera autem die Carnutum contendit. Guisus Dux per hanc fugam sua spe frustratus unice eo intentus erat, ut Parisinam urbem sibi subjiceret: porro eidem præprimis Laurentius Testus Bastilliam, cui præerat, tradidit, ipse vero Dux Vincennis postea occupatis comitia indixit, ut novi Magistratus crearentur, ubi Perrusio ex auctorato, ac Bastillæ arci incluso Capella Martellus Mercatorum Præfectus nominabatur, & cum uterque Ædilis Contius, & Lugolius Regem secuti abessent, eisdem subrogabantur Campanus, & Rolandus ambo Guisio Duci, & Fœderatis addicti: denique Bastillæ administratio Bussio Clerico ex sedecim vehementissimo committebatur: hoc enim nomine insigniebantur illi, qui fœderatorum nomine in sexdecim Parisinæ Urbis Regionibus imperitabant.

§. XLIII.

Regis, ac Guisii Ducis epistola ad Provincias.

Thuan. l. c.
Mem. de la
Lig. t. 2.
pag. 352.
Et 359.

Postea Rex Carnutum delatus die decima septima Maji ad Provinciarum Rectores ea omnia, quæ nuper Parisiis contigerant, perscripsit, eisdem præcipiens, ut suæ jurisdictionis urbibus Parisiensium seditionem nuntiarent, omni-

omnique studio præpedirent, ne ejus-
 modi ausus in eorum Provinciis atten-
 tarentur: insuper eosdem hortabatur,
 ut ad sistendos falsos rumores, quos tran-
 quillitatem publicam turbandi studio
 maligni spargebant, suam auctoritatem
 prudenter impenderent. Sub idem
 quoque tempus Rex alias literas trans-
 misit ad Regni Urbes, quibus sinceram
 suam erga illas propensionem, necnon
 suum pro tuenda Catholico-Romano-
 Apostolica Religione studium testabatur,
 eisdem pollicitus, quod tributa, &
 vectigalia, quamprimum bellum ad-
 versus hæreticos erit finitum, immi-
 nuere paratus sit.

Eadem die Guisus Dux datis ad
 Regem literis hæc perscripsit: „sum-
 „mopere doleo, quod mala mea for-
 „tuna ita tulerit, ut malevoli Regis
 „aures per calumnias artificiose excogi-
 „tatas clauserint, & nullum gratiæ
 „apud Majestatem suam locum mihi re-
 „liquum fecerint.“

Postea Parisinam seditionem excu-
 sans subjunxit: „malevolorum perti-
 „nacia effecit, ut sua Majestas sibi sa-
 „tisfieri minime pateretur, & auctis
 „per falsas criminationes suspicionibus,
 „se, & urbem in summum periculum
 „adduxerit, introductis in eam exter-
 „nis copiis, quarum terrore ad extre-
 „mam

Sæcul. XVI.
 A.C. 1588.

Sæcul. XVI. „mam desperationem adacti cives arma
 A. C. 1583. „pro iusta defensione sua sumperunt,
 „ubi insperato Dei innocentium caussæ
 „patrocinantis beneficio perniciofa con-
 „filia dissipata, & Urbs Regi incolu-
 „mis servata fuit, exituque illius diei
 „satis constitit, quantum animus meus
 „abhorreat a consiliis, quæ contra Ma-
 „jestatem suam agitare a calumniatori-
 „bus falso insimulatus fui: quod ut ma-
 „gis sibi persuadeat, exoro Majestatem
 „suam, ut in animum revocet, quod
 „conscientia mea tutus, & sola Cle-
 „mentix regix fiducia fretus in ipsius
 „manus ultro me consignaverim, &
 „cum primum ad me de introductis in
 „Urbem Helvetiis, ac prætorianis nun-
 „tius perlatus est, solus, & inermis
 „repertus sim in privatis ædibus, ac
 „fortasse minore cum comitatu, quam
 „pro tempore, & dignitate mea de-
 „cuisset, ut ex eo cunctis manifestum
 „fit, me lædi, lædendi autem metum
 „aut consilium non habuisse: porro per
 „hoc, quod intra moderamen iustæ
 „defensionis tali in periculo me con-
 „tinuerim, & omne studium, ac cu-
 „ram in refrænanda plebe, & asseren-
 „dis ab injuria plerisque ex Regis Mi-
 „nistris, quos tamen multa apud Re-
 „gem in perniciem meam machinatos
 „sciebam, necnon in salvandis Hel-
 „vetiis,

„vetiis, & prætorianis justæ plebis
 „iræ expositis posuerim, omnibus testa-
 „tum redditur, qua reverentia Majesta-
 „tem Regiam colam, & quam alienum
 „a turbanda Urbis quiete animum ha-
 „beam, quantumve sollicitus sim, ut
 „gratiam Regi præstem, nihilque, quod
 „ei merito displicere possit, admittam.
 „Hæc si Regia Majestas mature, ac dis-
 „cussio omni sinistro suspicionum nubilo
 „apud se perpenderit, confido, ut de
 „innocentia mea ipsi abunde constet:
 „interea fateor, me longe maximum
 „dolorem sensisse ob repentinum mei Re-
 „gis discessum, quo effectum est, ut
 „satis manifeste cognoscere potuerim,
 „quod Regia Majestas fidem, atque
 „innocentiam meam, necnon sinceram
 „agendi rationem sibi suspectam ha-
 „buerit. „

Guisius insuper magis adhuc per-
 spicue, ac prolixius ad suos Amicos,
 urbesque perscripserat, semper pluri-
 mum Regis clementiam commendans,
 seque unice timere asserens, ne Rex
 a pravis consultoribus, qui eum jam
 multoties magno Religionis malo in
 easdem difficultates, & angustias præ-
 cipitem dederant, impulsus laudabile
 de bello contra Sectarios prosequendo
 consilium intermittat.

§. XLIV.

Sæcul. XVI.
 A.C. 1588.